

Zeruko ARGIA

IDAIZKOLA TA BANAKOLA: OKENDO, 22 - SAN SEBASTIAN - TEL. 426666 - PREZIOA 7 PEZETA

JOSE MARIA SETIEN GOTZAI BERRIA

NON ZER

- «BIZITZA ETA MUNDUA ALDATU»
Torrealdy 3 garrenean
- SIGMUND FREUD
Iratortza 3 garrenean
- TXILETIK DATORREN ITSAS ONTZIA
Luka 5 garrenean
- MUSEOA EGUNGO MUNDUAN
Kortadi 6 garrenean
- LIBURUEN URRATSETAN
Lertxundi 7 garrenean
- USTE GENUEN
Arostegi 11 garrenean

"Izkuntza ez da burutapenen eta sentipenen tresna utsa"

«Izkuntza ez da burutapenen eta sentipenen tresna utsa»

«Neri gotzaitzarako aukeratzeak, Gipuzkoako kristau eta giza-elkartearantz lan egiteko gogoia erne didala uste dut. Edozein azkundetan, jokoan eta arriskuan dagoena, gizona da. Ekonomia azkunde soila ez da gauza giza-bizitzari erantzuna emateko. Gizartearen aurreratzea ez ditekete gizona desgifiaz egin. Elizaren arazoa da gizartearen arazoak bizitzea eta elizkizunak berak ere arazo oietara irekiak egon behar dute bestela, uts eta loarrazle dira».

Arantzazura joan beharrean aurkitu gera. Il onen 28an egingo dute Gotzai, Joxe Mari Setien. Gizarte arazoez kezkatutako gizon feddeuna izan dugu beti Joxe Mari. Beronek landu beharrezko gizartea zelakoan ekin zion apaizgaitetarik euskera ikasteari. Erroman zegoelarik ere euskeraz egiten zituen etxera eskutitzak. Baiña erbeste aldera jo beharrean aurkitu zen bere gogoz kontra. Arantzazun dago Joxe Mari bienbitartean lantzerik izan ez duen euskera lantzen, Euskal Erriaren izaeraz eta nortasunaz gehiago jabetu nahirik.

—Zer sentipen dituzu nagusi gure burruan Aita Santuak Donostiako Gotzai lagutzaile izendatu zaituenetik?

—Ez da erraz barruko egoerari igertzen; ez eta norbere barrukoari ere. Elkarren aurka dauden sentipenak nabaritzen ditudala nere baitan ukatzea, egia izkutatzea litzake; ez ditekete ahaztu oso elkarren aurkako sentipenak sortzeko gai den egoerak erasaten didala une ontan. Baina Aita Santuak ni gotzaitzarako aukeratzeak, neri Gipuzkoako kristau eta giza-elkartearantz lan egiteko gogoia erne didala uste dut. Beste guztiak ahazten saiatzen naiz.

—Nola ikusten duzu Gipuzkoako kristau-elkartea?

—Joera eta indar ezberdinez, ots, gizarite, kultura eta erlijio joera eta indar ezberdinez landua ikusten dut Gipuzkoako kristau-elkartea. Joera ezberdin oien eraginaz, sinestun sendoago bat sortu beharko luke. Baina indar oiek elkar desgiteko ere izan ditezke. Azten ari da Gipuzkoako giza elkartea ekonomia, gizarite eta kultura alorrean; baina azkunde ori sinestunez eta sineskabeaz osaturiko giza-elkarteari zor dio. Ez digu kristauoi bakarrik zor. Orregatik Gipuzkoako kristau-elkartearen lanik nagusiarena, bere burua ezagutu eta aurkitzea da, dagokion lekua izan dezan gizarite ontan eta azkunde ontan.

—Gipuzkoako aurrerapen eta zabal-min aundi orrek uzten al du sinemenarentzat tokirik?

—Bai, tokia uzten du; baina toki

ori aurkitzea zailagoa da. Edozein azkundetan, jokoan eta arriskuan dagoena, gizona da. Zaila ez da kristau sinismena bakarrik; bizitzari sentidua eman dezaioken edozein sinieste da zaila. Ekonomia azkunde soila ez da gauza giza-bizitzari erantzun betea emateko; aldi, giza-bizitzaren sentiduari buruz, galdera bera egitea ere zaildu egiten du. Baina beti izango dira azken etorkizun eta geroari bergiratuak dioten gizonak. Baita giza-bizitzaren sentiduz galdera zorrotzak egingo dituztenak ere.

—Zure gotzai-sail ontan zer ikusten duzu pozgarrien?

—Bestekin pentsatzeko eta beste zerbitzeko egokiera bikaina eskeintzen zaidala uste izatea da neretzat pozgarrien.

—Beldur piska bat?

—Nork bere buruari ezezkorik eman gabe, erabat besterentzat ezin izatea da beldurgarrien. Au garbi erakusten digu Nazaretoko Jesusek. — Emengo erri-giroa, ametsak, ezinik, kezak ezagutzen dituzu, noski. Sasoiko ikusten al duzu gizaritea, ala gaixorik? Ala jaioberritzen? Ala osasuna galtzen?

—Giza-izate osoan, izate orren luze-zabalean ernemin eta bizi-altsumak daudenean dago sendo gizaritea; baina gizaritearen aurreratze au ez ditekete gizona desgifiaz egin. Gizonak persona bezala duen ezin ukatuzko balio au gizariteak, ez itzez bakarrik bai eta egiaz ere aitortzen duenean, orduantxe da nere ustez gizarite ori sendoa. Badu Gipuzkoak indarririk baina zentzu eta zuzentasun gehiago ere behar luke.

—Zer da zuretzat gaur bat bere erriaren erdian?

—Sinemeneko gizoan, gaur eta emen kristau-elkarteari, ori zer den ikusten lagunduko dion fededuna, alegia.

—Goztai zerenez zer egitarau nagusi dituzu oraingoz?



—Goztai izanarren, ez naiz Donostiako Gotzai. Kristau-elkarteari zerbitzea da nere lanik nagusiarena baina elizbarrutiko Gotzaiaren lan-eraketaren baruan; ez ditzaket eginkizun eta elburu ezberdinak ar. Bestela nere betebeharra sahistuko nuke arrunt.

—Zerri emengo seme izateari zer alderdi on aurkitzen dizkiozu? Eragozpenik?

—Erbesteke izanaz baino obeto ezagutu, ulertu eta senti ditzakerala uste dut erriaren arazoak. Ez dut alderdi ontatik zailtasunik ikusten. Ezagunegia izateak, orduan akatsak ere nabarmenagoak bait dira, izan dezake eragozpenik; alere, egia jakiteak ez du galerarik.

—Apaiz lagun asko duzu, inondik ere, Gipuzkoan; zer eskatzen eta zer eskeintzek diezu?

—Zerbait aundia da nerotzea adiskidetasuna, baina nere eskaera eta

ra onek, baina ez dut uste orain ortaz jardun gaitzkeenik.

—Naiz eta kanpoan egon beharra izan nik uste baino errazago mintzatzatzen zera euskeraz. Zenbaterainoko ajola gotzaiaren ezpainetan erri-izkuntza eta kultura-arnasak?

—Auxe da nere buruausterik aundienetakoa; izkuntza ez da burutapena eta sentipenen tresna utsa, oiek tajutu ere egiten ditu nolabait; orregatik daude biak, kultura eta izkuntza, ain estu loturik. Kristau izatea ez da bakoitzaren izateari ezartzen zaien eranskin bat; kulturak pertsona bera tajutzen du; kulturaren zainetatik, gizona bera tajutzen eta osatzen duten erro oietatik ez bada, ez dizaiokegu inori lagundu kristau izaten. Ez nau izkuntzaren ederrak edo euskera ondo baino obeto itzegiteak gehienbat aztoratzen; Erriaren errikeria eta kultura aurkitzeko kezkatzen nau. Nere ustez, izatera orrek kristau fedetik osotasun aundiagoa artzen duelako, naiz fededun.

—Zer eskatzen diguzu ZERUKO ARGIAren irakurle eta idazleoi?

—ZERUKO ARGIAri, diren bezala eldu dizaiela arazoei; ez dezala egia morroi bihurtu; egia mirabe izan dedila; aipatu beharrezko arazoak ez ditzala baztertu. Irakurleei, berriz, kritika dezatela aldizkaria bere eginkizuna bete dezan.

—Gazteenzat itz bat?

—Bai. Ez ditezela utsunean bizi. Lehegoari egiten dioten kritika baieztu dezatela gaur beren bizitzaz. Geroari begira, bila dizaiotela bizitzari xedea, ez dezatela kristau sinismena nolanihi baztertu, zaharra goen akatsetan lausoturik, egia garbian fede ori aztertu gabe.

—Emen bertan eta emendik kanpo, nke aunditan diran gaixo, zahar, ezbehartu, zigortu, erbestetu, saminduentzat?

—Lotsa ematen dit nere aragian jasan gabe, minez daudenei itzegiteak. Itz uts lirake. Badala Jainko Salbatzaile bat esatea besterik ez naiz ausartzen.

ERRIALDE



MUSEO EGUNGO MUNDUAN

1.—JUAN SAN MARTINI ERANTZUNAZ

Duela zenbait aste, La Hoja del Lunes aldizkariaren euskal sailean, Euskaltzaindiaren idazkari den Juan San Martinek zenbait gogoeta agertu zuen Euskal Museoez, arte-ontasunen kontserbatze eta katalogatze-ari buruz. Lagun batzuk mintzatu zaizkit artikulu horretaz eta bazter anizteta entzun ditut lan horren aldeko komentarioak; bainan ez Al-dundegiko Bibliotekan ez beste inon ezin ukan dut eskura delako idazlan hori, une hontan Gipuzkoatik urrun bai naiz. Hala ere, ene lagunek bultzaturik eta holakoetaz interesatua naizelako, zertxobait esatera noa gai horretaz, artikularen testoa ez eza-gutzeak mugaturik banaduka ere.

Laket zaigu, inolaz ere, luma nagusiek gure kultur-egoera samingarria salatzea. Idatzi izan dut, behin baino gehiagotan, Zeruko Argia hontan, gure gauzen ordenatzearen, azterkatzearen eta erabiltzearen premiaz, bainan ohi den bezala, haize boladaren batek edo borondate txarren batek eraman zituen hitzak. Eta bitartean, gure artistiko egoera gezoz eta urriago eta idorrigo, hala nola basamortua.

Esan zidatenez, eibartar idazleak Gipuzkoako erlijioso arte ontasunen katalogatzea eskatzen omen du eta orobat, Arabako probintzian egiten ari den antzera, sor ditezela museo tiki batzuk. Esan beharrea naiz, aurtengo udan dudala hasia neuk katalogatze lan hori Donostiako Obis-paduaren mandatuz eta Irun-Errenteria eskualdean material biltzea osatua dela gehienbat, nahiz eta gai hortan iaioak diren jakintsuen azterketa behar bada ere, zenbait dato ateratze arren. Katalogo-zerrenda sotil bat duzu hori, zenbait historiko datoz osaturik, elizen egitura, erre-tila, imajina, liturgia-tresnak bilduz. Luzea duzu eta zaila lan hori, bainan lan hori (Juan San Martinek eskatzen zuen bezala) hasia da eta Eustakio Mokoroak esan zidanez: "Hasiak egin dirudi. Eginak urre gorri".

Gainera, artistiko ontasunen katalogo edo zerrendak, zientifiko dadin, zenbait estudio eta monografia behar luke oinarri, bainan halakorik asko ez dugu gure artean. Aipa dezadan hemen M.ª Asunción Arrazolakk Renazimenduari buruz egin obra nagusia, bai eta Manuel Lekuona, Sebastian Insausti, Luis Murugarren eta Migel Sagues-en monografiak ere. Gure historiografika-artistiko funtsa haspainenetan dugu oraino, lan handia dago oraindik, amai eta akitu ezinezkoa esango nuke. Lantegia handia da eta anitz pertsonaren arreta eskatzen duena, bainan zorritzarrez egun ez dugu horrelakorik aski.

Ontasunen kontserbatzeaz eta museoaz baditu bere asmoak Elizbarrutiak eta hoitan dihardu Jose Maria Zunzunegi ene lankideak, hau baitugu Arte Sakratuaren arduradun; eginak ditu honek ermita eta eliza eraberritze aderrak (horra Bergarako parrokia eta Larraitzko ermita). Dena dela, horrelako gauzak gelditu joan ohi dira, dirua behar da, bai eta personal espezializatua ere (eta hau ez da sortzen gauek goizera), amorioa eta gure gauzentzako arreta eskatzen dute (eta honelakorik aski ere ez dugu). Badu zenbait asmo elizbarrutiak eta emanen du hauen berri

bere garaian. Hasi direla da jakin-garriena.

Bestalde, gure deserteu honen erdian, jakin arazi nahi nuke badela, museo koskor baina interesgarria Ondarrabiako Parrokian, bertako sekular batzuri esker bildua, eta izatekotan omen da Arraten (Eibarren eta Pasai Donibanen ere). Hona, ba, arte sakratuaren alorrean egiten ari dena, bainan honek denon lana eta laguntza du eskatzen.

Gipuzkoan, arte arazoetan (museo, bilaketa-zentro eta ab.) lana nahiko kaskarra dugu. Alderdi hontan, arras guti laguntzen zaio euskal kulturari, Museo, artista eta erakus-tokiei laguntzen zaiena urri eta farregarri da. Kulturaz atzeratua den herri batetan bizi gara (ez da halakorik gertatzen otordu kontutan). Hau baiesteko, Europan barna ibilaldirio bat egitea aski da: Belgique eta Holandan adibidez. Aurtengo udan ikus ahal ukan dut, ikusiak ditut hango museoak, parkeak, instituzioak, lorategiak eta ikusi ahal ukan dut artea ez dela burgesiaren bitxikeria edo unibersitar taldeko baten privilegioa, herriko eta kaleko jendeak berea duela baizik, bere begien bistan duela, nolakoa izan den eta nolakoa den aditzera emanaz. Hontara heldu beharko genduke guk ere, guk ere bai baitugu kondaira eta tradizio aski. Hontara heldu behar dugu guk ere, udan atzerriko estudiantek aztertzea etorriko diren herri fosilizatua bilakatu nahi ez badugu. (Ikasbide ederra ematen dигute!).


Bainan zertako aztertu gure gauzak edo ikastegietan izkutatu? Ez ote hobe arte-lanak sortu ziren tokian egon ditezten, hortarako sortu baitziren, sortu ere? Hona, ba, erantzun eta erabaki zorrotzak eskatzen dizkiguten galderak, baldin eta gure kultura bideetan betirako atzera egin nahi ez badugu.

2.—MUSEOAREN BETEBEHARRA EGUNGO MUNDUAN


Duela zenbait urte, Sevillako museoaren zuzendari den Victor Perez Escolano jaunak museo eta honen betebeharri buruz zenbait deklarazio egin zuen eta guretzat gure egoerarako interesgarri deritaz. Horregatik, laburtuz ematen saiatuko naiz, berez luze eta sakon baitira.

Egun, jakinduariaren alderdi bakoitzak, espezialidade bakoitzak museo bat sortu ohi du. Lehen uste zenez, museoak gauzak biltzeko eta erakusteko bakarrik ohi zen. Egun, museoak komunikazio eta irakasketa bide bat da, bilaketa bide bat, unibersitateetan eta karrikan ere, errotua. Gaurko egunez, ez daiteke museo gutti batzuentzat bakarrik izan, izan ere, zenbait bisitatzen du egun museo bat? zenbait aztertzen eta maiz ikusten?

Oraingo gizona ez da baliatzen lehengo jokaeraz; bere bereak behar ditu eta museo izan daiteke bilaketa-zentro, jokaera-bide berriak sortzeko toki. Hortarako, museoekiko desentralizazio bat guziz beharrezko litzateke. Madriderik zabaldu egin beharko lieke beste tokietako museoek laguntza, sortzen ari diren museoak aberastu, eta eskualde bakoitzeko kul-



Museo, artista eta erakus-tokiei laguntzen zaiena urri eta farregarri da



Argazkiak, Amsterdam-go Stedely museoak dira

tura gerizatu. Museoak erakunde eraginkorra izan beharko luke eta gizartearen politikan errotua, eskualde bakoitzean erakusketak eratuz, unibersitarioentzat bezala langileentzat, haurrentzat bezala baztertuen-

tzat. Egungo Museologia batetara jo beharra dago, haren tradizioaz ahaztu gabe noski, egungo gizonak bere inguruan duena jaso dezan, eta orobat jasotzeko eta analizatzeko ahalmena areago dakion eta horrela, ja-

kituriaz jantzi ezetik, elkarrekin bizitzeko toki polit eta zuzen bat sortzeko gai izan dadin. Hortarako gehitu egin behar lirateke museo eta herri-ritar soilaren arteko harremanak: konferentziak, konzertuak, modeloen desfileak, ikasteko tokiak eta bibliotekak, jolastokiak... Artistik heziketa handiago eta hobe batetara jo behar litzateke ikastolatik bertatik, eta era hortara, museo luzean duen bat, haurrentzat ikastoki eta jolas-toki izango litzateke: sala bereziak hoientzat, parkeak... Haatik, nik esango nuke haurrak direla, hain zuzen ere, heziketa-beharrik tukia dutenak, kontu hontan noski, zeren norbera-eta-gauza arteko harremanak ez baitute biziatua hala nola larriek, nagusiek. Gorputzez nahiz psikiatik elbarrituak diren naturalezaren aberastun hauek beren erara bizitzeko aukera behar lukete. Baztertuek, ghetotakoek eta ere, era berean, behar lukete ukan bidea irekirik, horrelako museotara.

Berez, kontua ez da jendetza bat kulturalizatzea, baizik arte-lan baten aitzinean libre eta erantzukizudun egitea, horrela nork berak atera ditzan bere ondorioak eta joera-arauak. Eredu zaharrak haustea bezain haurkeria eta dogmatikoa izanen litzateke beste berri batzuk ezartzea.

Asko mintzatu izan da museoaren balioaz, arte-lanak beren sorlekuan ala museoetan egon beharko luketenez... Bainan denborak, kontserbatzeko kondizio txarrek (giro txarra dela, dirurik eza dela, ebasketa edo lapurretak direla, diru-interes partikularrak direla) kondairaz edo estetikaz balioa duten gauzen pilatzera bultzatzen dute, horrela seguruago, kontserbazioa eta ikusketak hobetzen delarik eta orobat azterketa eta konfrontazioa ere.

Asko egin daiteke eta egin behar litzateke Gipuzkoako eta Euskal Herri osoko museoetan, Juan San Martinek dion bezala. Gipuzkoan kexu gara kultura eta museo arraz utziak daudela eta, bainan Bilbaon Peninsulako museoek hoberenetakoa dugularik, inor guti joan ohi da bisitatzerara. Soluzioa erraza denik ezin esan, bainan denok saiatuz egin genezake zerbait, gure hurrengoek harako hura esan beharrik ez dezaten: "Herri bat izan zan...".



TRANSPORTES

azkar

ERAMAN - EKARRIRAKO KAMIOI AUNDIAK

Barcelona, Zaragoza, Valencia, Madrid, Oviedo, Gijón.

Donosti'tik egunero:

Iruña, Bilbao, Gazteiz, Jerez de la Frontera, Cádiz, Alicante, Murcia, Cartagena, Granada, Almería, Santander, Valladolid, Zamora, Palencia, Salamanca-ra.

Asteen iru aldiz:

Sevilla, Lugo, Coruña, Orense eta Vigo'ra
Cerretera Gral. a Hernani - B.º Ergobia - DONOSTIA
Telefonoak: 450313 eta 459723
Aptdo. 1381

EUSKALDUN
EMAKUMEA

Erreran, etxe bateko zeregina egiteko emakume euskaldun bat naiko litzake. Argitasun edo informaziorik nai duenak, Zeruko Argiara deitu beza. Urrut. 426666.




YOGUR
GURELESA
GOGOZKOENA



ERLOJU ETA BITXITEGIA

Eduardo Chopetia

Getaria, 10-Urrut. 417751-Ebukoak: 422700 - DONOSTIA



TOLOSA

tolosa

Orok dakizuten bezala gure hirian ere, Euskal-Herria guzian bezala badira hainbat gastronomia elkarte. Herriak soziedadeak bezala ezagutzen ditu. Esan beharrik ez dago harrera ona dutela gutartean, eta gehienak ederki beteta ikusten dirala eguneroko atsedean unetan. Batzuk badira, oso guti, kulturaz ere arduratzen diranak, apur bat bederen. Erakusketan bat dela, edo hitzaldi bat edo beste, gehienetan hortxe amaitzen da hoiengatik.

Baina goazen aurrerago. Beren bereizgarri nabarmenena, tripa-zaintza izanik, harriritu gaude nolaz ez duten gai honetaz sariketa bat edo beste antoaltzen. Alegia gastronomia sariak esan nahi genduke. Hauek alderdi on bat izan lezakete irakaskintza aldetik, zenbait janariren moldaketaz eta zergaitik ez, sozial arazo bat ere bete dezatelanoski, platera merke batzuek edo publikoari erakutsiaz.

Dena dela guk gaur, soziedadeak aipatu baditugu, hauek eginkizun jator bat bete lezaketela oharzen garelako izan da batez ere.

Adibidez, badira batsuk, jaialdi onurakorrak egiten saiatzen diranak Miserikordirako, «Gota de Leche» delakoantzako etb. Hoiiek danak ondo ikusten ditugu eta bertatik txalotzen ditugu.

Baina nik dakidanez oraindik ez zaio inori bururatu horrelako jaialdi bat gure ikastolaren alde egitea. Edo behar bada inoiz pentsatu du, baino oraindik ez du aurrera eraman. Ez ote da gure herria hola-ko jaialdi bat egiten duen elkarte bat?

Nik baietz uste dut. Behar bada ez diote inork eskatu eta honengai tik edo beste zertxoren gaitik behintzat egiteko dagoela orandik.

Nere aldetik ideia bat emango nuke horrelako zerbait taxutzeko. Eta hau, lehen aipatu dudana Gastronomia Sariaketa bat izanen litzake. Honetan Pasai Antxio-ko elkar-te batek eman du esenplua. Joan zen irailean hain zuzen egirik du eta, benetako irabazpidea izan du noski. Gutartean hain ezaguna den marmitakoazela gai, 35 lagunek jokatu dute norgehiagokoa. Gero bazkari herriko bat egin zen han moldatu ziren kazuleekin.

Hau aurrera eraman ahal izateko ukan dute hainbat laguntza jator. Batekoz beste antolatzaileek ez dutela diru askoren beharrik izan antolamendu hau aurrera eramateko.

Uste dut gure soziedadetako batek, hau egin ezinik ez duela. Beraz ideia emana dago eta ea zeinek jasotzen duen. Laguntzarik ez zaio faltatuko gure aldetik.

Tira ba mutilak, aurrera. Veleta-ko gazteok zer? Zuek arazo hoietan iaioak zerate! Ala ez?

ASKALEKU

eibar

ASTELENA

Urte batzuetan egon da Eibar osoa

Asteleena frontoia noiz zabalduko ote zan galdezka. Azkenez pozik ikusi dugu nola leengo berotasun ura eta posturak zorionezko edo zoritzarrezko oitura ere bizirik jarraitzen dutela.

Gara ontako pelotaririk onenetakoak etorri ziran lenengo jokoak ospatzeko eta «Gure Miguel» izan zan sakea eman zuana. Luis M. Segurrola apaiz jaunak bedeinkazioa emateko orduan pelotazale jaun andre askorekin batean, Jabier Izaguirre (Pelotako vicepresidentea), Jesús Iriondo (F. P. P.-ko presidentea), Alberto Vidarte, Enrique Abril, Atano III ta Miguel Gañanaga jaunak alkate ta udalarekin batean ikusi genituen.

Alkate jaunak udalaren izenean eman zuan itzaldian beste frontoi batzuk egiteko asmoa agertu zuan. Frontoi Eibarko gazteriaren artean kirol au galdu ez dadin izango dira, bere itzaldian esan zuanez beintzat.

Garrantzizkoa da Alberto Vidarte, Asteleena Gerente jaunak, Hospitalean aurkitzen diran gizonentzat, sarrikerak eman zituela azaltzea.

Zorionak frontoi berri eta laguntza onegatik.

FOBALLA

Ikastolen alde jokaturako foballean Eibar-ek irabazi zuan 2-1 egatik Elgoibaren ta 3-2 gatik.

Kruzetatarrak Odile.

ZERUKO ARGIA BIZKAIKO ERRI AUETAN SALTZEN DA:

MARKINAN

M. Loll Aginaga,
Artibay, 24

BONDIKA-ASUA

E. Astarlea

LARRUSKAIN

Parrokia

BERNIKA

Ruiz Bustillo

ONDARROA

M. Zulalke

BILBAO

Librería Armendaritz
Dr. Arellano, 50
Librería Azkategui
Cinturera, 4
Librería Bilbalna
Plaza de los Mártires, 3
Librería Verdeas
Correo, 7

GALBAKANO

J. Altuna
Urreta, 34

ABADIANG

J. F. Zubero
S. Prudenziola, 7

zumarraga

SALBATORE PARROKIA

Gaur, Urriak bat eliztar talde gartsu baten arnasarekin berotuta, eta Gotzai jaun eta erriko apaizen onespenarekin babestuta, auzoan SAN SALVADOR parrokiaren berria zabaldu da.

«Au da eguna Jaunarena,
gaur piztu baita Jesus Jauna!
Poz pozik kanta; Gora Jauna!
Zer zoriona! Zer eguna!»
Egun zoriontsu ontan, amalka

eliztarren aspaldiko Irrika garratza amaituda. SALBATORE parrokiako erretore On Jose M. Larrañaga dugu, apaiz eta gizon argia. Parrokiaren jabe egitean delako erretore jaun onek, argitara ditu bere eliz barrutiko ardiei buruz alako orritxo batzuk, bere barru nortasuna agertzen dutenak, eskeintzen delarik guzti-guztia emanak izan zitezkeen ardiei alde. Orri auen bidez azaltzen du parrokiaren onek bere gain izango duen erriko lur zatia. Era berean adierazten du eliztarren artean sortzen diren artu emanetarako bere lan-lekua irikita egongo dela.

Asteleenean ez da izango batzarrik. Beste egunetan, goizetik, 10,30 tik 12,30, Arratsetik 6 tik 8 tara. Ostegun eta larunbatetan ez da izango batzarrik.

Oraingo, Ezkontzak eta Illetak Eliz-nagusian izango dira.

AZKARRAGA

irakurleak

mintzo

Irakurri dut, gogoz irakurri ere, Urriaren amabostean argitaratu duzuen editoriala. Bertan indartsuak indartsuago agertzen direla adierazten zaigu, eta ongi adierazi ere.


Komunikabide tresnak erabiltzen dituztenek badute indarrak asko, eta beren eginbidea ez da sarritan gl-zalegari dagokion oietakoa izaten. Orregatik, bertan egindako aipamenari garrantzi handia duela derizkiot.

Alaz ere, lan ori zerbait geiago eskatuko nioke. Izan ere, urrutiko samarrek esenplu eta adibideak ipintzen dizkigu.


Gure inguruan gertatzen denaren azterketa bearrezkoa zaigu. Egiako Indarduna nor den, eta noren bizkar indartsuago bihurtzen ariden ezagutara zi beharko luke lan orrek. Dena den, pentsatzeko eta erabakiak areratzeko lan egokia dela esango nuke.

Azkenik, barka bekit, inprentako-edo uts asko ikusi dut lan orretan. Ez ote da arazo ori konpontzea posible izango?

A.M.
(URNIETA)



BERGARA



ZUMARRAGA



NORK KUKURRUKU!!!

OLLARRAK

OLLOTEGIAN?

...Ez. FAGOR'ek

sukaldian

JOSE ZINKUNEGI'REN OPTICA BERBIA DONOSTIAN

URTIETAN LAN OIETAN OITUA

BARRUAN DANAK EUSKALDUNAK

Hernani, 4

DONOSTIA

«EUSKERA HIRE LAGUNA» LEHEN LIBURUA,

PATXI ALTUNAK EGIN ZUENA,

berriz argitaratuko da. Liburu eder hau, zerbait bederen, osatu eta hobetu egingo da. Lehenbiziko hartan ez bezala oraino honetan euskera batuan argitaratuko da.

Erosi nahiko lukeenak eska beza: Bilbao. Apdo. 72.

HAZPARNEKO

“Elgar Oinkari”

Euskal dantzen bide berri bat?

Gaurko onetan Donostian, parte zaharrea izan naiz. Donostian eta euskal giroan ain ezaguna den Joxemari Arregiren etxean solasaldi eder bat egin dut. Gizon au dugu, ain zuzen, Lapurdiko Hazparneko dantza taldearen zuzendari. Eldu den igandean, Urriak 29, eguardian, izan ere, Victoria Eugenia antzokian jaialdi bat eskeniko digu. Jaialdi nori aitxakitzat arturik, euskal dantzaz luze mintzatu dugu. Bere iritzia zenbaitek onartu eta beste zenbaitek baztertuko ditu baina interesgarriak ez direnik neork ez du esango. Ni aalik eta egokien azaltzen arduratuko naiznere iritzirik ezertarako eman gabe. Iritzien zuertasunez irakurleak epaituko du.

—Elgar Oinkari taldea noiz eta nola sortua izan zen?

—Dantza talde bezala ez da oso zaharra eta gutxiagorik ere. Talde au duela bi urte sortu zen. Jesus Luisa Esnaola izan genduen sortzaile eta egile berezia.

—Jesus Luisa Esnaolaren izena bein eta bitan entzun arren, bere berri andirik ez datkit...

—Gizon au jatorriz Erroterikoa zen, naiz gero guda sortu arte beintzat Donostia bizi izan. Bera izan zen Bizkaiko ezpata dantzari batasuna eman ziona. Erbestean, gudaz gero sortu zen «Eresoinka» taldeko dantzarien buru ere bera izan zen. Dantzari ona, erakustaila egokia eta euskal giroa dantzarien artean supertzen apartekoa zen.

—Dantza grina, barnean, jaiotzatik zeraman orietakoa beraz...

—Begira, gizon onek beharrak aia agindu eta Mexicon bizi izan zen baina bere azken egunak bere lurraan igaro nairik itzuli zanean Ipar Euskalerra beste asmorik ez zuen dantza talde bat osatu baizik. Gaztetan lan egin zuen alorrean berriro lan egin nai zuen, eta egin eregin zuen. Hazparnen neska talde bat soru aal izan zuen, eldu den igandean dantzatuko duen taldea. Bera ez dugu guré artean izango. Zoritxarrez, duela gutxi, eriotzak beste mundurako arrapatu zigan.

—Alaz ere zuek aurrera jarraitzen duzue. Baina galari jarraituz... zuen taldeak zer berezitasun du? Lapurdiko dantzak dantzatzan dituzte ala...

—Galdere onl erantzuteko irrikitzen nengoen. Beste dantza talde folklorikoen giza-soak ez gara gu. Gu ez gara talde folkloriko bat.

Guk ez dugu lehengo euskal dantzarik dantzatzan.

—Zure erantzunak arriturik uzten nau...

—Ara, guk ezditugu ez Gipuzkoako, ez Lapurdiko eta ez Euskalerriko beste inongo dantzarik dantzatzan. Talde folklorikoa ez ginela orregatik nion. Guk dantza berriak sortu ditugu.

—Onela jokatzan beste taldeen jokabidea kritikatzan duzuela dirudi...

—Ez eta gutxiagorik ere. Beste taldeek egiten dutena egokitzen bakarrik ez, beharrezkotzat jotzen dugu. Leengo dantza zaarrak gorde eta indartu egin bear dira. Dantza zaar asko dago gainera erdi galduarik Euskalerriko bazteretan. Dantza oriek jaso eta dantzatu egin bear dira. Talde folklorikoak zenbat eta ugaritago eta obe.

—Zuek sortu dituzuen dantzak euskaldunak al dira...

—Ezpairik gabe. Guk ez dugu ortan dudarik. Gure iturria, izan ere, dantza zaarretan dugu. Dantza zaarrek dira gure dantzen oinarri. Dantza oriek dituzten pausoez ballatuz egiten dugu guk gure dantza berria. Leengo dantzen muina biltuz eta jasoez dantza berria moldatzen dugu, expresio berria ematen diogu. Euskal sustraiari jarraituz ari gara beraz lanean.

—Dantza bakoitzak bere asmo edo elburua izango duba...

—Bai, ori da. Asmo ori abestiak adierazten digu. Abestia esatean musika bakarrik ez, musika eta itzak, biat bat esan nahi da. Izan ere guz erriak abesten dituen abestiak artu ditugu gure dantzen oinarritzat.

—Zer nolako abesti...?

—Denok ezagutzen ditugun abestiak: Goizian goizik jeiki nintzundun. Txoritua norat hua; Iruten ari nuzu; Txarmagaria; Donostiako Iru damatxo t. a...

—Erriak abesten dituen abestiak zuek, beraz, dantza mailan azaltzen dituzue?

—Bai, ala da baina guretzat dantzak eta abestiak bat egin dan joan bear dute. Esan nai da, dantzatu bakarrik ez, abestu ere egiten dugulua. Baina ez du kuru batek abesten. Denok abesten dugu. Denok abesten dugula esatean ikusle eta dantzari esan nai da. Denak parte artu bear dute. Erriak abeste, erriak parte artu bear du. Turistentzat ez dugu dantzatzan.

—Zuen egiten duzuten ez da ikuskizun edo espektakulo bat bakarrik.

—Gure jaialdia ikuskizun xoilaz izaterik ez genduke nai. Ikuskizun bat bada. Ori ez dago ukatzerik. Ikuskizuna gaindu egin bear da ordea. Ikusleak egile biur nai genduke. Ikusleak abestu egin bear du. Jaialdian barnean sarturik, berak ere bere sentimendua azaldu egin bear du. Euskal giroan murgilduz arnas berrituta atera bear du jaialditik.

—Zerk du orduan garrantzi andiagoa, abestiak ala dantzak?

—Ez dakit zer erantzun, biak ain loturik eta josirik ikusten ditut... Guk pertsona osoa nahi genduke trantzean jarri. Orduan dantzaz, musikaz eta gorputzaren expresioz ballatzen gara. Orain arte dantzatu bakarrik egiten zen. Gure artean, gorputzak ez zuen expresiorik. Guk sortu ditugun dantza auetan sinu eta jiteen bidez gorputz oosari parte ar erazi nai diogu.

—Zer arrera izan duzue orain arte?

—Oso kontent gara. Erriak oso ondo erantzun du. Lapurdi eta Baxe-Nafarroan ibili gara batipat. Eta egia esan, erriak oso ederki parte artu du. Askoz zailagoa zen, aurtengo udaran Munichen alemandarreri parte artu eraztea. Alaz ere Bavierako jendeak asko maitatu zuen dantzak. Esperientzia ori oso ona eta interesgarria izan zen. Datorren udaran Beljika aldera joateko inder berriak ematen dizklgu.

—Galdere xelebrea da, baina zergatik zatozte Donostiara?


—Bi arrazoi ditugu Donostiara etortzeko. Bat, Donostian euskal dantzez dakien jende asko da. Jende orren iritzia artzera gatoz. Beste modu batetara esateko, examin bat pasatzera gatoz. Donostian onartzen bagaitue Euskal-Erria guzian onartuko gaituzte. Bigarrena, Jesus Luisa Esnaolari omenaldi bat egin nahi diogulako da. Bere gogoa talde onek Donostian dantzatzera zelarik, bere gogoa bete nai izan dugu.

—Donostirako dantza berezirik ba al duzute?

—Bai, badugu zerbait berezia Donostirako. Sarriegi jaunaren Inudiak eta Tanborradako musikaz ballatuz dantza batzuk moldatu ditugu. Dantza orlek Donostierren artean zer arrera izango duten jakiteko irrikitzen nago. Baina ori datorren jaietan ikusiko dugu.

—Gerora begira, zuen lan onak irteerarik ba al du?

—Gauza bat argi eta garbi esan bearra dago. Gu egiten arigarena asiera bat besterik ez da. Gu bideak urratzen asi gara. Irteera bezala berriz nik oos andia ikusten dut. Orain badira abesti berri asko. Abesti oriez ballatuz dantza asko eta asko egin daiteke. Dantza batzuk onak izango dira, besteak txarrak. Baina piskan piskana gauzak tajutzen joango dira. Ori arriak esango du.



D. UNANUE

